

Zeitschrift: Igl Ischi : organ della Romania (Societat de Students Romontschs)
Herausgeber: Romania (Societat de Students Romontschs)
Band: 38 (1952)

Buchbesprechung: A. Pfister, Gieri Genatsch : sia veta e siu temps

Autor: Deplazes, G.

Nutzungsbedingungen

Die ETH-Bibliothek ist die Anbieterin der digitalisierten Zeitschriften auf E-Periodica. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. Das Veröffentlichen von Bildern in Print- und Online-Publikationen sowie auf Social Media-Kanälen oder Webseiten ist nur mit vorheriger Genehmigung der Rechteinhaber erlaubt. [Mehr erfahren](#)

Conditions d'utilisation

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. La reproduction d'images dans des publications imprimées ou en ligne ainsi que sur des canaux de médias sociaux ou des sites web n'est autorisée qu'avec l'accord préalable des détenteurs des droits. [En savoir plus](#)

Terms of use

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. Publishing images in print and online publications, as well as on social media channels or websites, is only permitted with the prior consent of the rights holders. [Find out more](#)

Download PDF: 30.07.2025

ETH-Bibliothek Zürich, E-Periodica, <https://www.e-periodica.ch>

A. Pfister, Gieri Genatsch

sia veta e siu temps

Genatsch, il fegl d' in predican e sez plevon de priedi, politicher e colonel grischun, ruaussa en la catedrala de Cuera. Quels fatgs historics dian cun in plum ch' ei setracta cheu d'ina personalitat ded atgna tempra. San ins lu aunc ch' el ei vivius en in temps dils pli furibunds e sanguinus della historia grischuna, lu fan ins buca stel curvien, che la historiografia ha adina puspei anflau il basegns ded empruar de capir ils motivs che han stimulau quei um d' urdadira extraordinaria.

Viers la fin digl onn 1951 ei in impurtont cudisch comparius en l' officina Helbling u. Lichtenhahn a Basilea. Igl ei quei la tiarza ediziun dil Genatsch ord la plema d' in compatriot Sursilvan, dr. Alexander Pfister. Cun caschun dil 300 avel aniversari della mort de Genatsch, haveva Pfister publicau sia emprema ediziun e cuort sissu la secunda. La tiarza ei atgnamein ina ovra nova, grondamein amplificada — passa 200 paginas dapli —, profundada e differenziada, bein il davos plaid della scrutaziun.

Buca senza valeta programmatica per la historiografia grischuna ei gia l' introducziun, che passenta criticamein las fontaunas. Pfister ei scolar de nies prenci-poet G. H. Muoth. Gia lez fagevi adina puspei attents che la historia grischuna seigi screta dalla aristocrazia per survir buca il davos a lezs intents ed interess. Ils contemporans de Genatsch che han priu posizion fuvan per la pli gronda part ses inimitgs (Fortunat Sprecher de Bernegg, Ulysses de Salis e. a.). Consequentaimein ei era il maletg ch' els porschan da Genatsch leusuenter. La polaritat signuria — puraglia mira beinsgart tras las lingias dell' ovra de Pfister.

Gieri Genatsch, il fegl vegl dil predican Israel ei naschius 1596. Cun biars auters Giadines — la Giadina haveva fatg in svilup extraordinari, specialmein dapi che las III Ligias possedevan la Valtelina — frequenta el las scolas a Turitg e silsuenter a Basilea. Igl onn 1617 retuorna el a casa e surpren prest la pleiv de Scharons en Tumliasca. Aunc in giuvenot plein fiug e temperament vegn el tratgs egl orcan politic che stava per sederscher cun forza tremenda sur la paupra tiara grischuna, anetgamein curdada en la dracca dils utschals della cua melna ed els interess de tiaras jastras combatentas.

Da casa anora e conform a ses studis fuva Genatsch adherent de Calvin. Cun forza giuvenila survescha el alla mira della reformaziun, cun plaids en sias pleivs a Scharons sco a Berbegno, en ovras crudeivlas a caschun della dertgira nau-scha a Tusaun, tier il mazzament de Pompejus Planta e. a. v. La reformaziun, Vaniescha e la Frontscha han ded engraziar ad el beinenqual survetsch. Fuva el gie in' dils pli gronds inimitgs della Spagna — Austria sco era della reforma catolica. La Frontscha ha denton cun sia politica egoista ed imperialista fatg tec a tec de saver ad el sco ad auters, ch' ella manegi buca dil pli bein cun las III Ligias che giavischavan per tut prezi de saver salvar la Valtelina ch' ei possedevan pli che in tschentaner. Genatsch tila las consequenzas. Tut alla tgeua fuva el numnadamein seconvertius igl onn 1635. Quei pass ha scaffiu ad el principalmein denter ses intims amitgs de pli baul gronds inimitgs, che han mai saviu capir sia decisiun ed han interpretau ella en disfavur dil Gieri. Politicamein banduna el la Frontscha e s' avischina all'Austria e Spagna ch' empermettevan pli gronda libertad oravontut per la Portenza e Giadina bassa.

La midada dil camp politic e confessional, ina veta furbunda, fideivla sulettamein alla finamira de salvar alla patria ses tiarms e sia independenza senza auters risguards havevan rendiu Genatsch malvesius, silmeins tier personalitads d'influenza. Ultra de quei haveva el aunc giu la gagliardia de comprar ina casa a Cuera, dadens il Constantineum (oz) e fuva secaus leu, malgrad ils avis allarmonts. Ils 24 de schaner 1639 se-sanfla Genatsch en cumpignia ded auters officiers en l' uustria

«Zum staubigen Hüetli», menada da Lorenz Fausch, ina interessanta personaliad. Cheu entran ils assassins de Genatcsh sco bagordas. Gieri croda. Mo sia ovra viva. Ei reussescha plaunet de sedistaccar dallas puzonzas jastras ed aschia render alla patria la pasch desiderada suenter tonts onns ded em-brugls e viriveris.

A. Pfister ei buca secuntentaus cun ina sempla biografia de Genatsch, el ei sespruaus de declarar siu agir ord la situaziun dil temps e quei sin fundament de profundas enconuschient-schas dellas fontaunas. Suenter sia secunda ediziun eis el num-nadamein serendius egl jester, a Vaniescha, Innsbruck e. a. ed ha spargnau ni stentas, temps ni daners per survir alla verdad historica. Sia ovra vala bein per ina dellas meglieras e pli miniziusas scrutaziuns historicas dils davos onns el Grischun, ina ovra, che renda era gronds survetschs alla historia locala de quei temps. Ins ed auters havessen bein aunc giavischau in re-gister dellas persunas, che havess levgiau considerablamein il s'orientar.

Dr. G. Deplazes